



ბიულეტენი

აფხაზეთის სულიერებისა და კულტურის ცენტრის
ყოველთვიური საინფორმაციო ორგანო

№4 (46) აპრილი 2011 წელი

ქრისტე აღდგა!



მოქლარის გახსენება



გიულეტიანი გამოდის ცხუმ-აფხაზეთის მიტროპოლიტ დანიელის (დათუაშვილის) ლოცვა-კურთხევით 2007 წლის ივლისიდან

საოცარი ფაქტობრივ
უწმინდესსა და უზენაესსა, სოფლიად საქართველოს ქართლი-სამეგრელოს,
მცხეთა-თბილისის მთავრობის ქობისა,
ბიჭინოსისა და სხვა-სხვათა მიტოვებისა ილაქა !!

ყოვლადსამღვდელთა მღვდელთა-
ვარსა, ღირსთა მოძღვართა, დიაკონთა,
ბერ-მონაზონთა, ყოველთა მკვიდრთა
ღვთივესთაგან ივერის მინისა და
დროებით ჩვენი ქვეყნის საზღვრებს გა-
რეთ მცხოვრებნი ჩვენო ძვირფასო თა-
ნამემამულენო!

ქრისტე აღდგა!
გუგუნებენ ეკლესიათა ზარები და
მსოფლიოს ამცნობენ, რომ დადგა დღე
დღესასწაულთა დღესასწაულისა.
„დაემხო ძალი, პირველ სისხლითა
მთრვალი“, შეიმუსრა ჯოჯოხეთი, გან-
ქარდა ბნელეთის ძლიერება და კაცობ-
რიობა გათავისუფლდა ეშმაკის ტყვე-
ობისაგან.
„სადა არს, ჯოჯოხეთო, ძღვევა
შენი? სადა არს, სიკვდილო, საწერტელი
შენი?“

ქრისტე აღდგა!
ეს საოცარი სიტყვები ანგელოზის
მიერ პირველად მენელსაცხებლედ დე-
დებს ეხარათ, დედებმა მსწრაფლ აუწყეს
მოციქულებს, მოციქულებმა — თავიანთ
სამწყობებს და, აი, უკვე მრავალი სა-
უკუნეა, მილიონობით ადამიანი ხმობს:
ქრისტე აღდგა! ჭეშმარიტად აღდგა!
მაინც რას ნიშნავს უდიდესი საიდუმ-
ლოებით მოცული ეს სასწაული, ანუ რა
არის მიზეზი ჩვენი ასეთი ბედნიერები-
სა?

სამყაროს აქვს მხოლოდ ერთი საწყი-
სი — ყოვლადძლიერი, ყოვლადკეთილი,
ყოვლადბრძენი, ყოვლისშემომქმედი
ღმერთი — ყოვლადწმიდა სამება, რო-
მელიც ყველგან არის და ყოველივეს
აღავესებს მადლითა თვისითა. იგი თავი-
სი მარადიული ნეტარების წიაღისაკენ
იზიდავს მთელ სამყაროს და ყოველივე
ქმნულს, რომელიც, თავის მხრივ, მიისწ-
რაფვის მისკენ და აღიღებს მას.

ფსალმურში ვკითხულობთ „აქებ-
დით უფალსა ცათაგან, აქებდით მას
მაღალთა შინა; აქებდით მას ყოველნი
ანგელოზნი მისნი, აქებდით მას ყოველ-
ნი ძალნი მისნი; აქებდით მას მზე და
მთოვარე, აქებდით მას ვარსკულავენი
და ნათელი; აქებდით მას ცანი ცათანი
და წყალნი ზესკნელს ცათანი... აქებდით
უფალსა ქუეყანით ვეშაპნი და ყოველნი
უფსკრულნი; ცეცხლი, სეტყუაი, თოვ-
ლი, მყინვარი, სული ნიავეარისა, რო-
მელნი ჰყოფენ სიტყუასა მისსა; მთანი
და ყოველნი ბორცუნი, ხენი ნაყოფიერნი
და ყოველნი ნაძუნი; მხეცნი და ყოველნი
პირუტყვნი, ქუენარმავალნი და მფრინ-

ველნი ფრთოვანი“ (ფს. 148, 1-4, 7-11).
ამ ღვთაებრივ ჰარმონიას ურჩობისა
და ამპარტავნების გამო თავისი ნებით
განეშორა პირველქმნილი ადამიანი;
თუმცა შემოქმედს მასზე ზრუნვა არ
მიუტოვებია. ეს მდგომარეობა ბასილი
დიდმა ასე გამოხატა: „შენ მარადის მწყა-
ლობ და მე განგარისხებ, შენ სინანულად
მომინოდებ და მე ურჩ გექმნები, შენ მხა-
დი და მე გელტვი, ესრეთ ყოვლითურთ
წინააღმდეგომ შენდა არს ცხოვრებაი
ჩემი“.

და აი, თითქმის 2000 წლის წინ მოხ-
და ის, რასაც ვერავინ წარმოიდგენდა:
ყოვლადდაუტყვენელმა განკაცება ინება
და კაცობრივი ბუნებით სიკვდილს დაექ-
ვემდებარა, ჯოჯოხეთში შთავიდა, რათა
მართალთა სულნი ეხსნა და კაცობრი-
ობისათვის დახმული ზეციური კარიბჭე-
ნი აღეხვნა.

რა შეედრება იმ განძს, რაც მან ამ
წუთისოველში დროებით მყოფ თითო-
ეულ ჩვენგანს გვიბოძა? როგორ გამო-
ვხატოთ ჩვენი მადლიერება ამ გამაოგ-
ნებელი თავგანწირვის, სიყვარულისა და
მონყალებისადმი?!

უფალი ჩვენგან არაფერს ითხოვს,
ოღონდ ჩვენივე გადარჩენისთვის გვა-
ვაზობს, ჩავჭიდოთ ხელი მის მხსნელ
მარჯვენას და ჩვენი გული და სული მის-
კენ მივმართოთ, რათა ღვთის მადლით
ცოდვის ჭაობს განვეშოროთ და შიგ არ
დავივითქათ.

ამ სასწაულთა სასწაულს ვზვიებობთ
ახლა. ამიტომაც სიხარულითაა მოცული
დედამინა; ჩვენს გამო ხარობს ყოვლად-
წმიდა სამება და ანგელოზთა დასი, რად-
გან ხორციელი სიკვდილი აღარ არის
მხოლოდ ჯოჯოხეთის კარიბჭე, არამედ
იგი მორწმუნეთათვის წარუვალ ნეტარე-
ბაში აღმყვანებელ საშუალებად იქცა.

ამიერიდან ესა თუ ის პიროვნება ან
ეშმაკის და მისი ანგელოზების ხვედრი
შეიქმნება და მარადიული ტანჯვისათ-
ვის გაინირება, როგორც ეს ადრეც იყო,
ანდა უფლისა და ანგელოზთა წიაღში
დამკვიდრდება.

სხვა არჩევანი არ არსებობს.
ბუნებრივია, ყველას სამოთხეში დამ-
კვიდრება სურს, მაგრამ ეს უშრომლად
არ მიიღწევა; მთავარია, ჩვენი ცხოვრე-
ბის მიზნად სხვისთვის მსახურება და-
ვისახოთ, რომ ქრისტეს მიმბაძველნი
გავხდეთ.

პაისი ათონელი წერს: „თუ ადამიანი
არ ფიქრობს მეორე ადამიანზე, არ გამო-

დის თავისი „მე“-დან და გამუდმებით
თავისი თავის გარშემო ტრიალებს,... ის
იმ ღერძს მიღმაა, რომელიც ქრისტეა“.

წმიდა მამები იმასაც გვასწავლიან,
რომ აბსოლუტურად ბოროტი და ცოდ-
ვილი კაცი არ არსებობს და რომ ყვე-
ლაზე უარეს მათგანშიც კი არის რაღაც
ნაწილი სიკეთისა. მაგ., თუ მას გულწრ-
ფელად უყვარს შვილები, მშობლები ან
ოჯახის სხვა წევრები, უყვარს თუნდაც
ცხოველები ან ბუნება, ე.ი. მასში არის
ის ღვთაებრივი ნაპერწკალი, რომელიც
ათბობს და ანათებს მის დაბნელებულ
სულს; ყველას ვაღიან, ეს ნაპერწკალი სა-
კუთარ თავში გააღვივოს და ღვთაებრივ
ცეცხლად აქციოს.

საერთოდ, ქრისტიანის ცხოვრება
საკუთარ თავთან ბრძოლაა, გულის სინ-
მინდისათვის ზრუნვაა; ეს არის სინანუ-
ლი და მცდელობა იმისა, რომ ღმერთი
მოვიძიოთ და ჩვენს გულბუბში გავამე-
ფოთო.

გული არის სულის სავანე, სული
კი — ერთგვარი ჭურჭელი, რომელშიც
ღვთის მადლი იღვრება. მადლის სიდიდე
ჩვენს პიროვნულ ღვაწლზე და ძალისხ-
მევაზეა დამოკიდებული.

ბოროტისაგან ჩვენი გულისა და სუ-
ლის მთავარი დამცველი ჩვენი სინდისია.

სინდისი არის ღვთის ხმა და იგი ყო-
ველთვის გვიბიძგებს სწორი ქმედებები-
საკენ. მთავარია, ყური დავუგდოთ მას.
მაგრამ ადამიანთა ნაწილი სწორედაც
რომ საპირისპიროდ იქცევა, — ცდი-
ლობს ჩაახშოს იგი; სხვის დასანახად ვი-
თომ ემსახურება უფალს, გული კი გან-
შორებული აქვს ღვთისაგან. მაცხოვარი
ბრძანებს: „არა ყოველმან, რომელმან
მრქუას მე: უფალო, უფალო! შევიდეს
იგი სასუფეველსა ცათასა, არამედ რო-
მელმან მოს ნებაი მამისა ჩემისა ზეცა-
თაისა. მრავალთა მრქუან მე მას დღესა
შინა: უფალო, უფალო, არა სახელითა
შენითა ვწინასწარმეტყველებდითა?...
და სახელითა შენითა ძალნი მრავალნი
ექმენით? მას ჟამსა ვრქუა მათ, ვითარ-
მედ: არა გიცნით თქუენ, განმეშორენით
ჩემგან ყოველნი მოქმედნი უსჯულოები-
სანი (მათე 7, 20-23).

ღმერთმა გვიხსნას ამ მდგომარეობი-
საგან.

და მაინც როგორ მივხვდეთ, ჩვენს
გულში ვის უდგას ტახტი? ამის პასუხს
სახარება იძლევა: გულში, სადაც ცოდ-
ვა და ეგოიზმი ბატონობს, ბობოქრობს

(გაგრძელება მე-4 გვ.)

(დასაწყისი მე-3 გვ.)

ღვარძლი, ავსიტყვაობა, შური, შუღლი, ამპარტავნება და სხვა ვენბანი, იქ უფლის მაღლი არ მკვიდრობს. მაგრამ არის გული სიყვარულითა და სიკეთით სავსე, მიმტყეველი, სამართლიანი, მოწყალეების გამცემი, სხვაზე მზრუნველი...“.

ასე რომ, ძნელი არ არის გავერკვეთ, ვისი მსახური ვართ და, ვიდრე ჯერ კიდევ დრო გვაქვს, გადავდგათ გადამრჩენელი ნაბიჯები. საერთოდ, უფალი ადამიანებს სხვადასხვა ნიჭს და, აქედან გამომდინარე, სხვადასხვაგვარ პასუხისმგებლობებს აკისრებს. ზოგს ერთ ტალანტს აძლევს, ზოგს — ორს, ზოგს — ხუთს ან ათს; პასუხისმგებლობაც შესაბამისია: ვისაც ერთი ტალანტი ებოძა, მას ათი ტალანტისა არ მოეთხოვება; მსუბუქია მისი ჯვარი და უფლის წინაშე მისი ვალდებულება, ხოლო ვისაც მეტი მიეცა, მას მეტიც მოეთხოვება. მაგალითად, ზოგიერთს მხოლოდ ოჯახზე ზრუნვა მართებს, ესაა მისი პასუხისმგებლობა, ნაწილს, — ადამიანთა გარკვეული ჯგუფის, სოფლის ან ქალაქის ხელმძღვანელობა; სხვებს კი მთელი ქვეყნის ტვირთი აწევთ და ამ დონის მსახურება ევალებათ.

იერარქიის არის ქრისტიანობაში, სხვებთან შედარებით, აბსოლუტურად განსხვავებულია და იგი ქვემდგომებისადმი უანგარო სიყვარულსა და მათთვის ზრუნვას გულისხმობს.

უფალი ბრძანებს: ვინც თქვენს შორის მოისურვებს უფროსობას, ის იქნება თქვენი მსახური, ხოლო ვინც მოინდომებს პირველობას, — ყველას მონა“; და ამის უდიდესი და უთვალსაზიროესი მაგალითი, პირველ რიგში, თვითონ მოგვცა. ასეთი დამოკიდებულება მოეთხოვება ყველას, ვინც თავს ქრისტიანად მიიჩნევს. მსოფლიოში დღეს საყოველთაოდ აღიარებული ადამიანის უფლებების და დემოკრატიული მმართველობის ერთ-ერთი ძირითადი პრინციპი პიროვნებათა თანასწორობისა და ღირსების დაცვისა სწორედ ქრისტიანულ სწავლებას ეყრდნობა, მაგრამ ზოგიერთათათვის ეს ცნებები უკვე განსხვავებულ შინაარსს ატარებს.

რა თქმა უნდა, არსებობს არაქრისტიანული იერარქიული ურთიერთობაც, რასაც წმიდა მარტინი აღმსარებელი ტირანიას უწოდებს და რაც ზემდგომთა ბატონობასა და ძალადობაზე და ქვემეგრდომთა მონურ ყოფაზეა დამყარებული. ჩვენ გარშემო, სამსუხაროდ, ურთიერთიმართების არაქრისტიანული წესი სჭარბობს.

მაგალითად, ავიღოთ ქრისტიანული ოჯახი; ეს არის მცირე ეკლესია, რომელიც დაფუძნებული უნდა იყოს, პირველ რიგში, ღვთისადმი და შემდეგ ერთმანეთისადმი გამოვლენილ ჭეშმარიტ სიყვარულსა და პატივისცემაზე, ხოლო, თუ მათ ეს საფუძველი გამოეცალათ, თავს იჩენს ტირანია, რაც ხშირი კონფლიქტის

საფუძველი ხდება. ნაცვლად იმისა, რომ თანამედროვე საზოგადოებას ეზრუნა ოჯახში ქრისტიანული ღირებულების დასამკვიდრებლად, დაინყეს უკვე დანგრეული ურთიერთობების ხელოვნურად მოგვარება, რაც შედეგს ვერ გამოიღებს და ცოლის და ქმრის ურთიერთობას კიდევ უფრო არასწორი გზით წარმართავს.

ოჯახის სიმტკიცისთვის ასევე დიდი მნიშვნელობა აქვს თუნდაც ელემენტარული სოციალური პირობებისა და ზნეობრივი გარემოს შექმნას. პირველ ფაქტორს ძირითადად ქვეყნის ეკონომიკური მდგომარეობა განსაზღვრავს. ვფიქრობთ, სახელმწიფოსთვისაც და ოჯახის ეკონომიკური მდგომარეობის გაუმჯობესებისთვისაც სასარგებლო იქნება სოფლის მეურნეობის განვითარებისათვის ზრუნვა. მე ადრეც მითქვამს და კვლავაც გავიმეორებ, ყოვლადაუცილებელია ეკოლოგიურად სუფთა პროდუქტის წარმოება, ადგილობრივი ჯიშების შენარჩუნება და, რა თქმა უნდა, მინისადმი ხალხისათვის ინტერესის დაბრუნება. კარგი იქნება, თუ ამ პროცესს მთავრობა მხარს დაუჭერს და დოტაციური და მრავალწლიანი შეღავათიანი კრედიტებით გააძაგრებს, რაც დასავლეთის ქვეყნებში (მიუხედავად განვითარებისა) დღესაც ხორციელდება. რაც შეეხება ზნეობრივ გარემოს, ეს ხელისუფლების პოლიტიკურ ნებაზე, მის ორიენტაციაზეა დამოკიდებული.

სავსებით ნათელია, რომ ძალადობრივი, ნიჰილისტური და უხამსი ფილემბითა და გადაცემებით აღზრდილი თაობა ჯანსაღ ატმოსფეროს ვერ შექმნის და ოჯახსაც მნიშვნელოვნად დაზიანებს. არადა, როგორი მონდომებაა, რომ უძლიერესი ფსიქოლოგიური სამუშალებით — მასმედით ბოროტება და ცოდვითი ცხოვრება აღზევდეს, ვულგარიზებული, ტექნოლოგიური საზოგადოება ჩამოყალიბდეს და მის ბატონ-პატრონად ფული იქცეს, რომ ადამიანებმა, განსაკუთრებით კი ახალგაზრდებმა, სწორი ორიენტირები დაკარგონ და ქრისტეს მცნებები წარსულის გადმონამთად მიიჩნიონ. რა თქმა უნდა, ეს ყოველივე მოქმედებს ხალხზე, დღეს უკვე ადამიანებს გაცილებით უადვილდებით ოჯახის დანგრევა, თავისუფალი ურთიერთობების დამყარება, მამათავლობის ჩვეულებრივ მდგომარეობად წარმოჩენა, ოჯახური ანომალიების გახმაურება... არავინ ასწავლის თუნდაც იმას, რომ აბორტის გაკეთება და საკუთარი შვილის სიცოცხლის ხელყოფა ან ე.წ. „სუროგატის დედების“ ინსტიტუტის შექმნა“ უმძიმესი დანაშაულია, რომლის გამოცაიდვა ადვილი არ არის.

ძალიან სამწუხაროა, რომ ხდება ეგოისტური აზროვნების ნახალისება. ასეთი ადამიანები მოყვასს მოიაზრებენ მხოლოდ თავისი მიზნების განხორციელების საშუალებად, რაც მაღლიერების გრძნობასაც გამოიწვევს და, ამასთან,

აყალიბებს ისეთ დამოკიდებულებას, როცა სხვისი გამეტება და სიცოცხლის ხელყოფა ეადვილებათ. თუმცა ცოდვითი ცხოვრების მიმდევართა და პროპაგანდისტთა შორისაც ვხედავ ბევრს ისეთს, რომელნიც, უფლის წყალობით, შეცვლიან თავის ცხოვრების წესს და ჭეშმარიტი სიკეთის მთესველნი გახდებიან. ასეთი ზენოლის მიუხედავად, ჩვენი საზოგადოებისა და ახალგაზრდების დიდი ნაწილი, მათ სასახლოდ უნდა ვთქვა, რომ მაინც ინარჩუნებს ტრადიციულ ღირებულებებს და ქართული იდეის მატარებელი არიან. საერთოდ, ყველა ერს თავისი იდეა აქვს.

რა არის ჩვენი იდეა და რაში ვლინდება იგი?

ეს შეიძლება გამოვთქვათ ერთი ყოველისმომცველი სიტყვით — ჭეშმარიტების მსახურება, რაც, პირველ რიგში, გამოიხატა უფლისადმი ჩვენს უდიდეს სიყვარულში, მისდამი ერთგულებასა და თავგანწირვაში.

დაახ, უზენაესი ჭეშმარიტებისადმი თავდადება არის ქართული იდეა, ამიტომაც გვიანდერძა წმიდა მეფე ვახტანგ გორგასალმა: „ეძიებდით ქრისტესთვის სიკვდილსა!“ და მართლაც, ჩვენი ერთი ჯვარს ეცვა ჯვარცმული ღვთისთვის. პეტრინონის (ბულგარეთი) ქართული მონასტრის წარწერაც ამაზე მიგვანიშნებს: „ქართველნი ვართ ნათესავნი მხენნი და მარადის ჭირვეულსა ცხოვრებასა ჩვეულნი“.

ქართული იდეის განვრცობის არეალი გიორგი მერჩულემ ასე განსაზღვრა: „ქართლად ფრიადი ქუეყანა აღიარაცხების, რომელსაცა შინა ქართულითა ენითა ჟამი შეინირვის და ლოცვა ყოველი აღესრულების“, ხოლო, ენასა ამას შინა „ყოველი საიდუმლო დამარხულ არს“ (იოანე-ზოსიმე). აქ, არ იგულისხმება ენა, როგორც მხოლოდ მეტყველების საშუალება, არამედ, უპირველეს ყოვლისა, ერის მსოფლმხედველობის გამოვლინება, რომელიც თავისი მრავალფეროვნების მიუხედავად, არის ერთი და ერთიანი. ქართველისათვის პატრიოტიზმიც ღვთისმსახურებაა. იგი სამშობლოს პატრონობს და საკუთარი სისხლის ფასად იცავს, რადგან ამაში ხედავს ღვთის მიერ დაკისრებულ პასუხისმგებლობას. მას სხვისი არაფერი უნდა, მაგრამ დროებით დაკარგულ თავის ტერიტორიებსა და ხალხს კი ყოველთვის თავისად მიიჩნევს. ჩვენი სულისკვეთება კარგად ჩანს ამ სიტყვებში: „სამშობლოს არვის წავართმევთ, ჩვენც ნურვინ შეგვეცილება“. დაახ, ქართული იდეისთვის უცხოა ექსპანსია და აგრესია. ამიტომაცაა მთელი ჩვენი ისტორია უანგარობის, გულწრფელობის, ვაჟკაცობისა და ზნეობრიობის გამოხატულება.

ქართულ იდეაში ასევე სრული სისხვესით არის განხორციელებული ქრისტიანული მცნება მოყვასის სიყვარულისა.

(გაგრძელება მე-5 გვ.)

(დასაწყისი მე-4 გვ.)

ჩვენ სისხლში გვაქვს გამჯდარი ეს დამოკიდებულება: „ხამს მოყვარე მოყვარისათვის თავი ჭირსა არ დამრიდად, გული მისცეს გულისათვის, სიყვარული — გზად და ხიდად“ (რუსთაველი), რაც, რა თქმა უნდა, მხოლოდ ჭეშმარიტებისა და სიკეთის მსახურებას გულისხმობს. ბოროტ საქმეში მეგობრობა და ერთგულება კი ეშმაკთან თანაზიარებაა. ქართულმა იდეამ საუკუნეთა მანძილზე ჩამოაყალიბა ჩვენი ხასიათი, ჩვენი კულტურა და ყოფა.

ქართული იდეა არის იმ ჭეშმარიტი ღვთისმსახურების გაგრძელება, რომელიც უფალმა დაუდგინა ადამს, ნოეს, აბრაამს, მოსეს... ოღონდ ეს არის ახალ ისრაელად სახელდებული ერის მსახურება (ცხოვრების წესი) ზეცური იერუსალიმის დასაკვიდრებლად. ასეთია ჩვენი წინაპრების მიერ არჩეული გზა; გზა ძნელი, მაგრამ საამაყო, ვინრო, მაგრამ გადამრჩენელი, დროებითი ტკივილით დამძიმებული, მაგრამ ქრისტესმიერი მარადიული სიხარულით სავსე. სწორედ ამ სულისკვეთების მქონე პიროვნებები ქმნიან ღვთისმშობლის წილხვედრ ქართველ ერს, ხოლო ის ქართველები, რომლებიც ასეთი წესით არ ცხოვრობდნენ და არ ცხოვრობენ, თავისთავად განეშორებიან ან უპირისპირდებიან მის წილს და ქართული იდეის ნაწილად ვერ მიიჩნევიან. ისინი არიან ვაზის ნასხლავნი, რომელთა შორის სიცოცხლე არ არის. ხაზგასმით უნდა ითქვას ისიც, რომ ქართული იდეისათვის მარტო გენეტიკურ ნიშანს გადამწყვეტი მნიშვნელობა არა აქვს. გავიხსენოთ მეფე ლუარსაბ დიდის ერთ-ერთი შვილი დავითი და მეფე თეიმურაზ I. ეგოისტური და ანგარებიანი ინტერესებიდან გამომდინარე, დავითი ღვიძლ ძმასაც დაუპირისპირდა და საქართველოსაც, სარწმუნოებაც შეიც-

ვალა და დაუდ-ხანად ქცეული მტრის ინტერესების დამცველი და მათი იდეის განმხორციელებელი გახდა. მაშინ, როდესაც თეიმურაზ I რწმენისა და მამულის დაცვას დედაც და შვილებიც შესწირა და თავისი ცხოვრებაც მუდმივ ბრძოლასა და ტანჯვა-წამებაში გაატარა, ბოლოს კი ბერობაში აღესრულა; მისი ცხოვრება ხალხისთვის მისაბაძ მაგალითად იქცა.

ასე რომ, ქართული სამყარო, ისევე როგორც სხვა ნებისმიერი ერის წიაღი, მხოლოდ გენეტიკური ნიშნით არ შემოიფარგლება. სწორედ ეს აზრია ჩადებული ფარისევლებისადმი თქმულ მაცხოვრის ამ სიტყვებში: „უწყი, რამეთუ ნათესავნი აბრაჰამისნი ხართ..., სიტყუაი ჩემი ვერ დაეტევის თქუენ შორის..., უკეთუმცა შეილნი აბრაჰამისნი იყვენით, საქმეთაცა აბრაჰამისთა იქმოდეთ..., თქვენ მამისა ეშმაკისანი ხართ და გულისთქმათა მამისა თქუენისათა გენებაეს ყოფად; რომელი ღმრთისაგან არს, სიტყუათა ღმრთისათა ისმენს. ამისთვის არა ისმენთ თქუენ, რამეთუ არა ხართ ღმრთისაგან“ (იოანე 8, 37,39,44,47). აღვნიშნავთ იმასაც, რომ ქართული იდეის შემოქმედნი იყვნენ არაქართველნიც. მაგალითად, სპარსი რაჟდენ პირველმონამე და ევსტათი მცხეთელი, ტომით სომეხი დიდებულის ასული შუშანიკ დედოფალი, არაბი აბო, ასურელი წმიდა მამები და სხვანი.

სწორედ ქართული იდეიდან მომდინარეობს ჩვენი ერის მრავალსაუკუნოვანი ტოლერანტობაც, რაც იყო საფუძველი აქ მცხოვრები ეთნიკური უმცირესობების მხრიდან ჩვენი ჭირ-ვარამის გაზიარებისა და საქართველოსთვის მსახურებისა. საუკუნეთა განმავლობაში სხვებთან ერთად, ქართული იდეის და ქართული სახელმწიფოს თანაშემოქმედნი იყვნენ აფხაზები. ქართული სამყაროს შემადგენელი და განუყოფელი ნაწილი ყოველთვის იყო აფხაზეთი. ამა-

ზე მეტყველებს აქ არსებული უძველესი ქრისტიანული ტაძრები და წარწერები, ქართველ მეფეთა ტიტულატურა. ამაზე მეტყველებს აფხაზეთში, ბუდიის მონასტერში დაკრძალული ერთიანი საქართველოს პირველი მონარქის, — ბაგრატ III-ის საფლავი. ამაზე მეტყველებს ჩვენს შორის არსებული სისხლისმიერი ნათესაობა და ნათელ-მირონობა...

ჩვენ ერთი ღმერთის, ყოვლადწმიდა ღვთისმშობლის და საერთო წმინდანების მიმართ ვლოცულობთ. მათი შეწევნით, ვიმედოვნებთ, მტერი ვერ გავკოტიშავს. აფხაზეთის მიტროპოლიტად კათოლიკოს-პატრიარქის დადგინებაც ჩვენი გაყოფის მოსურნეთა საპასუხოდ გადადგმული ნაბიჯი იყო. მე განსაკუთრებით ვლოცულობ თქვენთვის და აღდგომის ბრწყინვალე დღესასწაულსაც განსაკუთრებით ვულოცავ ჩემს უშუალო სამწყსოს — ბიჭვინთისა და ცხუმ-აფხაზეთის ეპარქიას, საქართველოს ყველა კუთხის შვილს, ვულოცავ ჩვენს მართლმადიდებელ სამწყსოს: ოსებს, ბერძნებს, ასირიელებს, აფხაზებს, რუსებს, სომხებს, იეზიდებს, აზერბაიჯანელებს, მცირერიცხოვან, მაგრამ უძველესი ისტორიის მქონე უდებს... უცხოეთში დროებით მყოფ თანამემამულეთ, აგრეთვე ტაო-კლარჯეთის, ლაზეთის, ფერეიდანის, მახანდარანის, ჰერეთის მკვიდრთ და უფალს თქვენთან ერთად შეველადადებ: „აღდგომასა შესნა ქრისტე მაცხოვარ, ანგელოზნი უგალობენ ცათა შინა და ჩუენცა ღირს მყვენ ქუეყანასა ზედა წმიდით გულით დიდებად შენდა!“

ქრისტე აღდგა!
ჭეშმარიტად აღდგა!
*სიყვარულით თქვენთვის
მლოცველი ილია II
სრულიად საქართველოს
კათოლიკოს-პატრიარქი*
**აღდგომა ქრისტესი
თბილისი, 2011წელი**

მომღერლის გახსენება



ფილმ „კოლხური სუიტიდან“ ორი ფრაგმენტით დაიწყო საღამო 2011 წლის 14 აპრილს თბილისის ვანო სარაჯიშვილის სახელობის სახელმწიფო კონსერვატორიის მცირე დარბაზში. ფილმში ორ მეგრულ სიმღერას — „მარებელსა“ და

„სუფრულს“ ასრულებს კონსტანტინე (კოტე) ჩიკვატია — „სამურზაყანოელ ბულბულად“ ნოდებული გალში მოღვანე ნიჭიერი ადამიანი. საღამო, რომელიც მას და ცენტრის ეგიდით მასზე გამოცემული ნიგნის „სამურზაყანოელი ბულბულის“ პრეზენტაციას მიეძღვნა, მნიშვნელოვანი იყო იმიტაც, რომ ამ დღეს აღინიშნება ქართული ენის დღე. დარბაზში თავი მოიყარეს კონსტანტინე ჩიკვატიას ახლობლებმა,

ნაცნობ-მეგობრებმა, მისი ნიჭის თავყვანისმცემლებმა, ინტელიგენციის წარმომადგენლებმა. სცენას ამშვენებდა სურათი, რომელზეც გამოხატული იყო მომღერალი ღვინით სავსე ფიალით ხელში და რომელიც ვარდებისა და მიხაკების თაიგულებით იყო შემკული.

საღამო მიჰყავდათ სულიერებისა და კულტურის ცენტრის თავმჯდომარე სვეტლანა ქეცბას და ნიგნის რედაქტორ რუსუდან ნურნუმიას. კოტე ჩიკვატიას შემოქმედებასა და ცხოვრებას ეძღვნებოდა მათი წინათქმა. საინტერესო მოგონებებით სცენაზე ერთმანეთს სცვლიდნენ: ბაკურ გულუა, ანზორ ერქომაიშვილი, ვალერი ჭანტურია, ვეზდენ ოკუჯავა, თამაზ სუბუცა. მათ დამსწრე საზოგადოებას გაუტყუებლეს ჩიკვატიას ცხოვრების მრავალი ეპიზოდი. ასეთი იყო თუნდაც ბაკურ გულუას ნაამბობი: „დიდი სიყვარულით იყო დაკავშირებუ-

(გაგრძელება მე-6 გვ.)

ლი კოტე ჩიკვატიას ანსამბლთან ბატონი ილია ვეკუა... როდესაც ეს სახელგანთქმული მეცნიერი გარდაიცვალა, მოხდა ისე, რომ რამდენიმე წუთში მისი სახლის სადარბაზოში აღმოვჩნდი და კინალამ მუხლები მომეკვეთა, როდესაც იმ ოთახიდან, სადაც მიცვალებული ესვენა, ბატონ კოტე ჩიკვატიას ანსამბლის მიერ შესრულებული მეგრული სიმღერების ღვთიური ჰანგები შემომესმა. შემდეგ შევიტყვე, რომ სიკვდილის წინ მათი მოსმენა ბატონ ილიას უთხოვია და ამ ხმებში ჩაძირულს აღმოხდა, თურმე, სული... გალიდან რამდენიმე წლის წასული ვიყავი, როცა მითხრეს, ბატონ კოტე ჩიკვატიასაც სიკვდილის წინ სიმღერა წამოუწყია და მისი სიცოცხლეც ამ სიმღერასთან ერთად დასრულებულა“.

„კოტეს ლამაზი ხმა ჰქონდა — თქვა თავის გამოსვლაში **ანზორ ერქომაიშვილმა** — სიმღერის დროს თავისუფლად იმპროვიზირებდა და ახალ-ახალ ვარიანტებს ქმნიდა, იგი წამდვილად ღვთიური ნიჭით დაჯილდოვებული მომღერალი იყო, თავის მეგობრებთან კარგად იყო შემღერებული და გასაოცარი ტექნიკითა და განსაკუთრებული სასიმღერო მანერით ასრულებდა უძველეს მეგრულ სიმღერებს... კოტე ჩიკვატიას და მის მეგობრებს რომ ვუსმენდი, ვრწმუნდებოდი, რომ ისინი მართლაც განსაკუთრებული მომღერლები იყვნენ, მათი „ბებრული“ ნამღერი საუკუნეებიდან

ბაში ღრმად აღიბეჭდა პირველი შეხვედრისას მიღებული შთაბეჭდილება: „სადაც ის გამოჩნდებოდა, მის მიმართ ენით აუწერელი მოწინება და პატივისცემა იგრძნობოდა. ალბათ იმიტომ, რომ მას გააჩნდა თავისი ცხოვრების წესები, ტრადიციისადმი თავისი დამოკიდებულება. ეს ძალიან კეთილშობილი და კეთილმოსურნე ადამიანი შეუვალა და პირში-თქმელი იყო, როდესაც ქართულ-აფხაზური წესებისადმი, ტრადიციებისადმი უპატივცემულობას შეამჩნევდა ვინმეს. სწორედ ასეთმა დამოკიდებულებამ ათქმევინა ბატონ ბაკურს დიდებული სიტყვები, რომ წესებს, რომლებიც საქართველოს თავის ეროვნულობას, თავის სახეს უნარჩუნებს და შემდეგშიც უნდა შეუნარჩუნოს, ისეთი კაცები ქმნიდნენ, როგორც კოტე ჩიკვატია იყო.“

კოტე ჩიკვატიასთან შემოქმედებითი ურთიერთობის ბედნიერება ხედა წილად ქორ-მეისტერ **ვეზდენ ოკუჯავას**: „მას გამოარჩევდა განსაკუთრებული სულიერი სინამდვილე, იყო არაჩვეულებრივად ადამიანური და მომფერებელი, დიდი მასწავლებელი და ენატკბილი მოუბარი — სწორედ ასეთი ბუნების ადამიანს შეეძლო ემღერა ისე, როგორც იგი მღეროდა. სიმფონიურ ორკესტრში პირველი ვიოლინო ორკესტრის მეფედ ითვლება. ასევე, გალის დიდებული ანსამბლის პირველი ვიოლინო, პირველი ხმა და მეფე იყო ბატონი კოტე. მას ჰქონდა ხავერდოვანი ლამაზი ტემბრი — მაღალი, უსაზღვრო შესაძლებლობის ბგერა. როგორც სოლისტი, ის იყო შეუდარებელი. ლეგენდაური ნოკო ხურციას შემდეგ „ჰარიას“ წამდვილი შემსრულებლის პოვნა რთულია. ასევე ძალიან ძნელია ბატონი კოტე ჩიკვატიას შემდეგ იმღერო „მარეხელი“. სწორედ ასეთი რანგის შემოქმედთ უნდა



ვუმადლოდეთ უნიკალური ეროვნული მუსიკალური მემკვიდრეობის მოტანას ჩვენს თაობამდე“. ვეზდენ ოკუჯავამ თავისი სიტყვების დასტურად სოხუმის სახელმწიფო უნივერსიტეტის სტუდენტ გოგონათა ანსამბლს შეასრულებინა ის სიმღერები, რომლებიც მას კოტე ჩიკვატიამ შეასწავლა. საღამოში მონაწილეობა მიიღეს და მსმენელის დიდი წამატება დაიმახურეს, აგრეთვე, თბილისის ვანო სარაჯიშვილის სახელობის სახელწიფო კონსერვატორიის ანსამბლმა „კერამ“ თამაზ გამისონიას ხელმძღვანელობით და თბილისის ვანო სარაჯიშვილის სახელობის სახელწიფო კონსერვატორიის სტუდენტებმა ანი ცარციძემ, დავით ჭყონიამ და არჩილ გოგიტიძემ, რომლებმაც პროფესიონალთა მიერ დამუშავებული ქართულ-მეგრული ხალხური სიმღერები შეასრულეს.

მხატვრული პროგრამიდან გამოყოფას იმსახურებს კონცერტის ყველაზე ნორჩი მონაწილე, კოტე ჩიკვატიას შვილთაშვილი სალომე ქარაია. ის თბილისის სამუსიკო პედაგოგიური ინსტიტუტის ხელოვნების განყოფილების მოსწავლეა და ფორტეპიანოზე დაკვრის ხელოვნებას პედაგოგ ნანა შანიძესთან ეუფლება.

ლონისძიების ბოლოს აუდიტორიას სამადლობელი სიტყვით მიმართა კოტე ჩიკვატიას ქალიშვილმა აფხაზეთის უმაღლესი საბჭოს დეპუტატმა, ბიოლოგიურ მეცნიერებათა დოქტორმა **რაისა ჩიკვატია-ქარაიამ**, რის შემდეგაც კონცერტის მონაწილეებმა და მონვეულმა სტუმრებმა საბანკეტო დარბაზში გადაინაცვლეს, ცენტრის მიერ მოწყობილ ფურშეტზე, სადაც მომღერლისადმი მიძღვნილი საღამო ლამაზად გაგრძელდა.



წამოსულ წინაპართა განუმეორებელი ხმები იყო.“

კოტე ჩიკვატიას უმცროსი შვილის ან გარდაცვლილი ზურაბის ბავშვობის მეგობრის **თამაზ ხუბუას** მესხიერე-

რული ნოკო ხურციას შემდეგ „ჰარიას“ წამდვილი შემსრულებლის პოვნა რთულია. ასევე ძალიან ძნელია ბატონი კოტე ჩიკვატიას შემდეგ იმღერო „მარეხელი“. სწორედ ასეთი რანგის შემოქმედთ უნდა

„სტალინგრადის ბრძოლა“

აფხაზეთის სულიერებისა და კულტურის ცენტრმა აფხაზეთიდან დევნილებისათვის თბილისის ერთ-ერთი გამორჩეული და თვითმყოფადი — მარიონეტების თეატრის გაცნობა ითავა. თეატრი რეზო გაბრიაძემ 1981 წელს დააარსა. ეს ერთი ხელოვანის თეატრია, სადაც იგი დღემდე მოღვაწეობს როგორც დრამატურგი და რეჟისორი,

მხატვარი და მუსიკალური გაფორმების ავტორი. დაჯილდოვებულია მრავალი პრემიით: შოთა რუსთაველის სახელობის სახელმწიფო პრემია, „ტრიუმფი“, „ნიკა“, „ოქროს სოფიტი“, „ოქროს ნილაბი“, „ცარსკოსელსკაია პრემია“ და სხვ. საფრანგეთში მიენიჭა კომანდორის საპატიო ნიშნები. მარიონეტების თეატრის სცენაზე დაიდგა სახელგანთქმული

სპექტაკლები: „აღფრედი და ვიოლეტა“, „მარშალ დე ფანტიეს ბრილიანტი“, „ტრაპიზუნდის იმპერატორის ქალიშვილი“, „ჩემი გაზაფხული შემოდგომა“, „სტალინგრადის ბრძოლა“. ამ უკანასკნელს მდიდარი სცენური ისტორია აქვს. 1994 წელს საფრანგეთის ქალაქ დიჟონ-

(გაგრძელება მე-7 გვ.)

(დასაწყისი მე-6 გვ.)

ში შედგა მისი პრემიერა; 1998 წელს რეზო გაბრიაძემ თბილისში წარმოადგინა ამ სპექტაკლის განახლებული დადგმა. „თეატრის ისტორიის უდიდესი მომენტი“ უწოდეს სპექტაკლს ავინიონის (საფრანგეთი) საერთაშორისო ფესტივალზე. მასზე აღფრთოვანებულ შეფასებებს არ იშურებენ საზღვარგარეთის სხვა ქვეყნების პრესის ფურცლებზეც:

„ძნელია რაიმეს შეადარო „სტალინგრადის ბრძოლა“. მსგავსი რამ არ უნახავს ამერიკელ მაყურებელს. ტექნიკური თვალსაზრისით ეს თოჯინების თეატრია, მაგრამ ჩვენი წარმოდგენა თოჯინების თეატრზე ისევე განსხვავდება ამ სპექტაკლისაგან, როგორც ცხვირის დაცემინება ქარიშხლისაგან“ (გაზეთი „ვაშინგტონ პოსტი“);

„რეზო გაბრიაძის თეატრი მისი მხატვრული და პოეტური სულის გამოხატულებაა. ის თვითონ არის თეატრი: რეჟისორიცაა, დრამატურგიც, სცენოგრაფიც. მისი შემოქმედება განსაცვიფრებელია, ტალანტი მრავალმხრივი...“ (გაზეთი „ლე ფიგარო“);

„იშვიათია ხელოვანი, რომელიც არავის გაგონებს და რომლის შემოქმედება საკუთარ ადგილს პოულობს მაყურებელთა ცნობიერებაში. რეზო გაბრიაძე ერთ-ერთი მათგანია...“ (გაზეთი „ნიუ-იორკ თაიმსი“);

„რეზო გაბრიაძის თეატრმა დაამშვენა ედინბურგის ფესტივალი. მანქტრო გაბრიაძის ოსტატობამ და ორიგინალობამ ყოველგვარ მოლოდინს გადააჭარბა“ (გაზეთი „ლე მონდი“);

„თუ გიყვარს თოჯინების თეატრი, წადით და ნახეთ ეს სპექტაკლი, თუ არ გიყვართ, მაინც აუცილებლად ნახეთ... თბილისის მარიონეტების თეატრი მთლიანად იპყრობს მაყურებელს“ (ედინბურგის ფესტივალი).

სწორედ ამ სპექტაკლს დაესწრნენ 2011 წლის 8 აპრილს აფხაზეთიდან დევნილები. სანახაობა მართლაც განუმეორებელი იყო, უსულო თოჯინების მეშვეობით ის ღრმად და შთამბეჭდავად გადმოსცემს დიდ ტკივილსა და დიდ ტრაგედიას. სპექტაკლის შემდეგ დამსწრეთაგან რამდენიმემ თავისი შთაბეჭდილება გაგვიზიარა.

ქეთევან კაჭარავა: ძალიან მომეწონა, საინტერესო ჩანაფიქრია და არაჩვეულებრივად განხორციელებული. ის მთელმა მსოფლიომ აღიარა. მეორეჯერაც უნდა ვნახო აუცილებლად, რომ უკეთ, უფრო ღრად ჩავწვდე რეჟისორის ჩანაფიქრს.

მარინა ამაღლობელი-გვაზავა: სულისშემძვრელი შთაბეჭდილებაა. მართალი გითხრათ, არც კი ველოდი ასეთ სიღრმეს, იმიტომ რომ სცენაზე პანანინა თოჯინებსა და დეკორაციას ვუყურებთ, მაგრამ თანდათან ამ პირობითობას ვივინყებთ და ფინალში იმდენი

სხვადასხვა ხაზი იკვეთება, ისეთი ჩამაფიქრებელი საკითხებია წამოჭრილი, რომ მეც გამიჩნდა მისი ხელმეორედ ნახვის სურვილი. სრულიად განსხვავებული ხედვაა, გამოხატვის თავისებური ხელწერა. მოკლედ, საოცარი შთაბეჭდილებაა, საოცარი.

ნუნუ ერქვანია: აღფრთოვანებული ვარ. დიდი მადლობა ამ საღამოსთვის, ჩვენი გახარებისა და სიამოვნებისათვის.

ნატრული გეგეჭკორი: სიმართლე გითხრათ, თავიდან რომ დაიწყო, არ ველოდი რაიმე განსაკუთრებულს, მაგრამ ეს თოჯინები იმდენად კარგები იყვნენ, ისე მოძრაობდნენ, თითქოს არავინ ეხმარებოდათ. ძალიან მომეწონა. მუსიკაც შესაფერისი იყო, ცრემლები წამომივიდა. ძალიან კმაყოფილი ვარ, დიდი მადლობა.

როზა კუხალაშვილი: პირველ რიგში, მინდა სულიერებისა და კულტურის ცენტრის მთელ კოლექტივს, მის ხელმძღვანელს ვუთხრა ძალიან დიდი მადლობა იმისათვის, რომ გვანებიერებენ კულტურული ღონისძიებებით და დღევანდელი ხომ განსაკუთრებული იყო. ამ თეატრში ადრეც ვარ ნამყოფი, მაგრამ ეს სპექტაკლი არ მქონდა ნანახი და მიუხედავად იმისა, რომ ომი უკვე კარგა ხანია დამთავრებულია, მეორე მსოფლიო ომის თემაც ძალზე ნაცნობია, მაინც ძლიერი შთაბეჭდილების ქვეშ ვარ. ჭეშმარიტად, დიდი ხელოვანის დადგმულია.

„ჰამლეტი“ – ჰარადოქსენი!..

(ახალგაზრდა ოჩამჩირაძის რეჟისორის წარმატება)

არსებობს პარადოქსის ორი სახეობა – სემანტიკური და ლოგიკური. სემანტიკური პარადოქსის ნიმუშია სენტენცია: „ჭეშმარიტება არ არსებობს.“ თუ კი ჭეშმარიტება არ არსებობს, მაშინ არც ეს მტკიცებაა ჭეშმარიტი და ჭეშმარიტება არსებობს თუნდაც ამ სენტენციის სახით. ან კიდევ: „სიმართლეს არასოდეს ვიტყვი.“ ამის მთქმელმა უკვე თქვა სიმართლე.

ამ ამონარიდმა „მსოფლიო თეატრის ენციკლოპედიური ლექსიკონიდან“ (პროექტის ავტორი მერაბ გეგია) გამიადვილა ჩემი პოზიციის გამოკვეთა რუსთაველის თეატრის ექსპერიმენტულ სცენაზე წარმოდგენილი „ჰამლეტის“ მიმართ. გენიალური ინგლისელი დრამატურგის სრულიად მოულოდნელმა ადაპტაციამ ჩემს თითქოსდა „დაკონსერვებულ“ წარმოსახვაში, ახალი პლასტები წამო-

ატივტივა. რეჟისორმა ლევან ხვიჩიამ და მისმა თანამოაზრე დამდგმელმა ჯგუფმა „სტრესულ შოკში“ (რა თქმა



უნდა კარგი გაგებით!) გვამყოფა იმ ერთი საათის მანძილზე, რომელიც განეკუთვნა სცენაზე გათამაშებულ სურათებს შექსპირის „ჰამლეტიდან“.

ჰამლეტი. comX-ასე განსაზღვრა ჟანრობრივად რეჟისორმა თავისი ნააზრევი. უკან დავიხიოთ და გავიხსენოთ, რამდენი საინტერესო „ჰამლეტი“ უნახავს ქართულ სცენას, აღარაფერს ვამბობ მსოფლიო მასშტაბის მიღწევებზე. ქართული აქტიორული ხელოვნების მონაპოვართა კვარცხლბეკზე დღემდე ხელთუქმნელ ძეგლებადაა აღმართული – ლადო მესხიშვილისა და უშანგი ჩხეიძის, აკაკი ვასაძისა და ვერიკო ანჯაფარიძის განუმეორებელი ინდივიდუალობით ხორცმესხმული „ჰამლეტი“, კლავდიუსი და ოფელია. ასეთი საამაყო თეატრალური მემკვიდრეობის პირმშონი ვართ და უცებ სრული მეტამორფოზა — თითქმის დებიუტანტმა (თუ არ ვცდები, ეს ლევან ხვიჩიას მეორე სპექტაკლია დიდი თეტრის სცენაზე) რეჟისორმა „გაბედა“ და თავდაყირა დააყენა ყველაფერი. ექსტრავაგანტური, მახვილგონივრული, რა სიმალღეზე ატყორცნილი აღმოჩნდა ეს რეჟისორული საღმრთოდ, არ მიყვარს ფორსირება მაგრამ ამ შემთხვევაში სიამოვნებით

(გაგრძელება მე-8 გვ.)

(დასაწყისი მე-7 გვ.)

დავარღვევ ჩემს პრინციპს და ვიტყვი: ბრავო, ლევან! შენმა სითამამემ ქულათა მაქსიმუმი დაიმსახურა!...

საყოველთოდ ცნობილია, რომ შექპირის შემოქმედების ქვაკუთხედს შეადგენს ადამიანის პიროვნების რენესანსულ-ჰუმანისტური კულტი და ამ პიროვნების კონკრეტულ, ინდივიდუალური რეპერტუარს, ამავე დროს, ფართოდ ტიპიზირებულ სახეებში ჩვენების რეალისტური მეთოდი (ნიკო ყიასაშვილი). ისიც კარგად მოგვეხსენება, რომ შექსპირის დრამატურგიის (და არა მხოლოდ!) გვირგვინად მიჩნეულია „ჰამლეტი“, სადაც მაღალი პოეზიისა და ფილოსოფიურ სიღრმეთა სინთეზი დღემდე გვიფორიაქებს სულს. შემეცნების თეორიის მიხედვით, შექსპირის მთელი დრამატურგიის და, განსაკუთრებით, „ჰამლეტის“ მამოძრავებელი ღერძი სენსუალიზმია. სენსუალიზმის კლასიკური ფორმულა: „გონებაში არაფერია ისეთი რაც ადრე არ იყო გრძნობებში“. ვფიქრობ, სწორედ ამგვარი შინაგანი დუღილი და გათვლები გახდა ბიძგი რეჟისორისთვის თავისი არაორდინალური ექსპერიმენტი „ჰამლეტთან“ და მხოლოდ „ჰამლეტთან“ მიმართებაში განხორციელებინა. გარდა ამისა, შექპირს აქ კვანძის გასახსნელად აქტიორები ჰყავს ჩართული და შესაძლოა, ესეც ერთგვარი მაპროვიცირებული შტრიხი აღმოჩნდა რეჟისორული კონცეფციის გამოსაკვეთად.

სცენა განტვირთულია ზედმეტი აქსესუარებისაგან. რუხ-მოთეთრო გამაში გადანყვებილი გარემო (მხატვრები — შოთიკო ბაგალიშვილი, გიორგი უსტიასვილი) თავისუფალ, ლაღ სამოქმედო სივრცეს უქმნის მონანილებს. სიღრმეში განთავსებულია დეფორმირებული ტახტი-სანოლი, რომელსაც რამდენიმე გაურანდავი ფიცარი აქვს მიდგმული. საჭიროების შემთხვევაში მსახიობები მას გაათამაშებენ. მარცხენა კუთხეში კვარცხლბეკია „ნამოჭიმული.“ ეს არის და ეს.

„ჰამლეტის“ მრავალრიცხოვან პერსონაჟთან რეჟისორმა მხოლოდ რვა მათგანს მიაპყრო ყურადღება, ერთიან რეკალში მოაქცია ისინი და ბუფონადის, სარკაზმის, გროტესკის, პანტომიმის მოშველიებით, კომედიის მრავალსახეობის დინებას გაადევნა მაყურებლის ინტერესი. ლევან ხვიჩიას ჩანაფიქრი იმითაცაა მომხიბვლელი, რომ იგი არ ცდილობს მხოლოდ მსუბუქი სამემსრულებლო ხერხებით, გასართობი ტრიუკების მაცდუნებელი გზით აიყოლიოს აუდიტორია. მისი ხედვა უფრო ღრმაა, ჟანრის ისტორიული კანონზომიერების ძიებასთანაა კავშირში. კომიკური, როგორც ესთეტიკური ფენომენი, ტოტემიზმის ხანიდან მომდინარეობს.

ტოტემიზმმა საფუძველი ჩაუყარა საკულტო რიტუალს, რომლის ნიადაგზე წარმოიშვა თეატრი. კომედიის ფორმირება განხორციელდა ყოფითი სცენების გათამაშებელი მიმოსვების და სატირების ქოროს სიმღერა-მოძახილის გამოლიანების შედეგად. ეს ყველაფერი კრიალოსნის მიძევებითაა აკინძული სპექტაკლი: სიმღერით, ცეკვით, პლასტიკით, პანტომიმური სცენების გათამაშებით (ისიც ხომ ამკარაა, რომ კომედიას პანტომიმური საწყისი აქვს) მიღწეულია ყველაზე მთავარი — ორგანულობა. ამ შემთხვევაში, ლევან ხვიჩია მიმართავს კომედია დელ'არტეს პრინციპს, სადაც მსახიობები ვირტუოზულად ფლობდნენ კოლექტიური იმპროვიზაციის ხელოვნებას. უდავოა, რომ სწორედ ამ ნიშნით შეარჩია რეჟისორმა მსახიობები და მიაღწია კიდევ ანსამბლურობას

სამწუხაროდ, თანამედროვე თეატრმა თითქმის დაივიწყა გრიმი, არადა გრიმი მხატვრული სახის გახსნის უმნიშვნელოვანესი კომპონენტია. გრიმის ხელოვნება უძველეს საკულტო და საწესრეველებო სანახაობებში ჩაისახა. ანტიკური ხანის ბერძნულ თეატრში მსახიობები სახის შესაცვლელად ნიღაბს იყენებდნენ. შუა საუკუნეებში სახეს მურით და მცენარეული საღებავით იღებავდნენ. ამჟამად ბევრ აზიურ ქვეყანაში კვლავაც შენარჩუნებულია ნიღაბი, ოღონდ უკვე გრიმის სახით. ლევან ხვიჩიამ თავისი სპექტაკლით კიდევ ერთხელ დაამტკიცა, რომ გრიმი ერთ-ერთ ძირითად ფუნქციას ასრულებს ჩანაფიქრის რეალიზებაში.

კლავდიუსის გრიმი ნიღბის ასოციაციებს ბადებს — თეთრ პირისახეზე სისხლისფერი თვალები გამოკვეთს პატივმოყვარეობით, ავხორცობით და მპყრობელის ჟინით გათანგული უზურპატორის გროტესკულ პორტრეტს. რა თქმა უნდა, მხოლოდ გრიმის მეშვეობით ვერ შეიქმნებოდა ის ძლიერი შთაბეჭდილება, რაც ბექა სონდულაშვილის ემოციურად სისხლსავსე, გააზრებულმა თამაშმა მოახდინა.

გერტრუდას ვნებამოჭარბებული ხასიათი სცენური შარმითა და ძლიერი მუხტით წარმოგვიდგინა მანანა აბრამიშვილმა. ლირიკულ-კომედიური ელფერიტაა გაცისკროვნებული ედმონდ მინაშვილის ჰამლეტი. თვითირონია და დისტანციური დამოკიდებულება ნოსტიკური ფერით ამთლიანებს კომიზმზე „დამყნობილ“ დანის პრინცს. ხაზგასმულად გულუბრყვილო და სასაცილომდე მიაბიჭურია პაატა გულიაშვილის პოლონიუსი; ილიაში ხანჯალგაჩრილი მოსიარული გვამი, რომელიც შემდგომ ანგელოსის ფრთებით მოგვევლინება, ორ სამყაროს შორის მომრიგებელ მოციქულად აღიქმება.

პლასტიკური სახიერების, პანტომიმური ელასტიკურობის, ფარსული ნიჟანსირების პალიტრას უხვად მიმართავს ირაკლი სანაიას ლაერტი. ჰამლეტის ფერადკანიანი მეგობარი ჰორაციო კახა კუპატაძის შესრულებით ელეგანტურია და განათლებული, რასაც წარმოდგენაში ხაზი გაესვა უცხოენოვანი ტექსტის დეკლამირებითაც. ამ შტრიხით რეჟისორმა ჰამლეტის მსოფმხედველობის სივრცე და თვალსაწიერი გამოკვეთა.

სპექტაკლში მახვილგონივრული მიგნებების მთელი კასკადია. ჟანრის უზუსტესი შეგრძნებითაა გათამაშებული პოლონიუსის, ლაერტის და ოფელიას სცენები. რეჟისორი გემოვნების ბენვის ხიდზე სიმსუბუქით გადის, ოდნავი გადაჭარბებაც კი ბალაგანის უხამს მორევში გადავარდნის საშიშროებას წარმოქმნიდა, მაგრამ როგორც ჩანს ეს მისი რეჟისორული ბუნებისგან შორს დგას. სექსის იმიტაციისა და პრეზერვატივების მანიპულირების ერთი შეხედვით „უხერხული“ ეპიზოდები ისეთი იუმორნარევი სიმსუბუქითაა მოწოდებული, რომ ვულგარულობასთან მინიმალურ შეხებასაც კი აარიდა მაყურებელი. ამ გათამაშებაში ორგანულადაა ჩართული ქეთი სვანიძის ოფელია, უკვე აღარაფერს ვამბობ მის შთამბეჭდავ პლასტიკურ გამომსახველობაზე. აზრობრივად დატვირთული და სანახაობრივად პიკანტური მისია არგუნა რეჟისორმა უსულო საგანს კვარცხლბეკს, რომელზედაც ჰამლეტის მამის აჩრდილისა და პოლონიუსის ტანდემი ცხოვრების ამოების ორაზროვნებაზე მიგვანიშნებს. მუდამ მომღიმარი მამის აჩრდილი იმქვეყნიური გადმოსახედიდან გულიანად დასცინის ამქვეყნიურ მოკვდავთ — ებრალება ამოდ მოფუსფუსე, ბედისწერისაგან შერისხულ-განწირული არსებანი. ეს განწყობილება მშვენივრად მოაქვს გელა თავბერიძეს. თეატრალიზებული კლოუნადის ელემენტებითაა გაჯერებული ოფელიას დაკრძალვისა და მასთან გამოთხოვების სცენები. საერთოდ, მთელი წარმოდგენა აღსავსეა ხალისიანი ინტერმედიებით; ლევან ხვიჩია ლიუფთ-პაუზასაც ქმედით ფუნქციას ანიჭებს და ერთი ამოსუნთქვით გვანვდის ფეიერვერკულ სანახაობას, რასაც აძლიერებს ჟანრის ბუნებიდან გამომდინარე, მის მიერვე ზუსტად და დახვეწილი გემოვნებით შერჩეული მუსიკალური გაფორმება.

ასეთი ეფექტური განაცხადის შემდეგ, მაყურებელი დიდი ინტერესით დაელოდება ლევან ხვიჩიას ახალ ნამუშევრებს, უფრო მნიშვნელოვანი მიღწევების იმედით.

ვაჟა კიბუჯა
თეატრმცოდნე

საეკლესიო კალენდარი

- 1 მაისი, აღდგომიდან II, თომას კვირა.** კვირაცხოვლობა.
— ღირ. ბასილი რატიშვილის ხსენება (XIII);
— მიცვალებულთა ხსენება;
- 3 მაისი (სამშ.)** — მღვდელმონაშენი ექვთიმე შარვაშიძის (გაენათელ მიტროპოლიტის) ხსენება;
- 4 მაისი (ოთხშ.)** — წმიდისა დიდებულისა, დიდისა მონამისა, ძლევაშემოსილისა და საკვირველთმოქმედი **გიორგის** ხსენება;
- 6 მაისი (პარ.)**
- 8 მაისი, — აღდგომიდან III, მენელსაცხებლე დედათა კვირა.**
— მცხეთის ჯვრის აღმართება;
- 10 მაისი (სამშ.)** — მოციქულისა და მღვდელმონამის სვიმეონის (უფლის ნათესავის) ხსენება;
- 12 მაისი (ხუთშ.)** — მოციქულ ანდრია პირველწოდებულის ხსენება;
— 300 მხედართა, დუდიყვათსა და პაპათში მუსლიმთაგან წამებულთა;
- 13 მაისი (პარ.)** — მოციქულ იაკობ ზებედეც (წმ. იოანე ღმრთისმეტყველის ძმის) ხსენება;
- 14 მაისი (შაბ.)** — კეთილმორწმუნე მეფის თამარის ხსენება (1213წ.);
- 15 მაისი, აღდგომიდან IV, განრღვეულის კვირა:**
— მართალ ტაბითას ხსენება (II.);
— წმ. ათანასე დიდის (ალექსანდრიელ მთავარეპისკოპოსის) ხსენება (373წ.).
- 18 მაისი (ოთხშ.)** — ერგასის განზოგება;
- 20 მაისი (პარ.)** — მონამე საგდუხტ ქალწულის ხსენება;
- 21 მაისი (შაბ.)** — დიდმონამე ირინეს ხსენება (I-III.);
— ხსენება პატიოსნისა ჯვრისა, რომელი გამოცხადდა ცასა შინა იერუსალიმს (351წ.);
- 22 მაისი, აღდგომიდან V, სამართელის კვირა:**
— აღმოყვანება ნანილთა წმ. ნიკოლოზ საკვირველთმოქმედისა მირონლუკიიდან ბარში (1087წ.);
— მიცვალება ღირ. შიო მღვიმელისა (1087წ.);
— მოციქულ სვიმონ მოშურნის ხსენება;
- 23 მაისი (ორშ.)** — ღირ. ექვთიმე ათონელის ხსენება (1028წ.);
- 26 მაისი (ხუთშ.)** — ღირ. პიროს ბრეთელის ხსენება (VI.);
- 28 მაისი (შაბ.)** — ღირ. პახუმი დიდის ხსენება (დაახლ. 348წ.);
— ღირსი თეოდორე განწმენდილის ხსენება (368წ.);
— შვიდი მსოფლიო კრების წმ. მამათა ხსენება;
- 29 მაისი, აღდგომიდან VI, ბრმის კვირა:**
- 31 მაისი (სამშ.)**

ჩვენი მოძღვარი

(კითხვა-პასუხი სულიერი ცხოვრების შესახებ)

ზეთის კურთხევის საიდუმლო

ზეთის კურთხევის საიდუმლო არის მღვდელმოქმედება, რომლის აღსრულებისას სწეულის სხეულზე ნაკურთხი ზეთის სათანადო წესით ცხებისას, საღვთო მადლის მოხმობა ხდება სულიერ და ხორციელ უძღურებათა განსაკურნებლად.

აღნიშნული საიდუმლო მოციქულთა დროიდან იღებს დასაბამს. მოციქულები იესო ქრისტესგან მიღებული ხელმწიფებით „ცხებდეს ზეთსა მრავალთა სწეულთა და განჰკურნებდეს“ (მკ. 6.13). მათ ეს საიდუმლო ეკლესიის მღვდელმსახურთ გადასცეს, რაზეც იაკობ მოციქულის შემდეგი სიტყვებიც მოწმობს: „უძღურ თუ ვინმე არს თქუენ შორის, მოუწოდენ ხუცესთა ეკლესიისათა, და ილოცონ მის ზედა და სცხონ მას ზეთი სახელითა უფლისაჲთა. და ლოცვამან სარწმუნოებისამან აცხოვნოს სწეული იგი, და აღადგინოს იგი უფალმან. დაღაცათუ ცოდვაჲ რაჲმე ექმნეს, მოვეტეოს მას“ (იაკ. 5.14-15).

ზეთის კურთხევის საიდუმლოს მორწმუნეთათვის სულისა და სხეულის მადლისმიერი კურნება და განწმენდა მოაქვს, რაც ერთგვარი საწინდარია იმი-სა, რომ თითოეულმა, მსგავსად ხუთი ბრძენი ქალწულისა, მთლიანად მიუძღვნას თავი უფალს.

ქრისტიანული თვალთახედვით, სულისა და სხეულის უძღურება, მისი ავადობა, დაცემული ადამიანური ბუნებიდან მომდინარეობს და პირველცოდვას უკავშირდება. შემდგომად ცოდვით დაცემისა, თავდაპირველი უწყება ავადმყოფობის შესახებ ევამ უშუალოდ უფლისგან მოისმინა: „განმრავლებით განვამრავლენ მწუხარებანი შენი და სულთქუემანი შენი,“... დაბ. 3.16.

იმის გამო, რომ სულიერი უძღურება რომელიც ვლინდება: უხასიათობაში, მოწყენილობაში, უიმედობაში, სასონარკვეთასა და მოუსვენრობაში (და ასევე სხვა მრავალ ცოდვაში), ხშირად მოუწინაინებელ ცოდვებს უკავშირდება,

და არც თუ იშვიათად პიროვნების მიერ გაუცნობიერებელი რჩება, ზეთისკურთხევის საიდუმლოში მონაწილეობის მიღების საშუალება ფიზიკურად ჯანმრთელ ადამიანებსაც ეძლევათ, ოღონდ სინანულის საიდუმლოს შემდგომ, და ისიც საერთო ზეთისცხებისას (3. 315).

საეკლესიო ტრადიციის მიხედვით საერთო 7-გზის ზეთისცხება დიდმარხვაში ჯვრის თაყვანისცემის შვიდეულში, ან ვნების შვიდეულის ხუთშაბათის ან შაბათის წინა დღეს აღესრულება. ამასთან, საჭიროების შემთხვევაში სწეულთათვის ამ საიდუმლოს აღსრულება საეკლესიო წლის ნებისმიერ დროსაცაა შესაძლებელი.

7-გზის ზეთისცხება მართლმადიდებლური აღმსარებლობის პირთათვის არის განკუთვნილი, რომლებიც სულიერად ან ფიზიკურად არიან ავად, ხოლო რაც შეეხება ფიზიკურად ჯანმრ-

(გაგრძელება მე-10 გვ.)

(დასაწყისი მე-9 გვ.)

თელ ადამიანებს, მათთვის ხსენებული საიდუმლოს აღსასრულებლად (გარდა საერთო 7-გზის ზეთის ცხებისა), მღვდელმთავრის კურთხევაა საჭირო.

ზეთისცხებისას სწეულ ადამიანს ზეთს (ჯვრის სახით) სხეულის შემდეგ ნაწილებზე სცხებენ: შუბლზე, ნის-ტოპზე, თვალის ქუთუთოებზე (ანდა თვალების ქვემოთ), ტუჩებზე (იგივე პირზე — ნიკაპზე), ყურებზე, მკერდზე, ხელებზე (ორივე მხრიდან, ნიშნად ცოდვის გარეგანი და შინაგანი მხარეებისა — დკ. ბ.გ.) და (თუ ეს შე-საძლებელია) ფეხებზეც.

სწეულს სხეულის ნაწილებზე ზეთი 7-გზის ეცხება თითოეული მღვდლისაგან მონაცვლეობით. ამავე დროს სახარე-ბას, სწეულის ლოცვას და ზეთისცხე-ბისას წასაკითხ ლოცვას: — „მამაო წმიდაო, მკურნალო“-ს, შვიდაგან ის მღვდელი წაიკითხავს, რომელსაც უშუ-ალოდ უწევს ზეთისცხება;

ზეთის კურთხევის საიდუმლო, რო-გორც წესი, ტაძარში აღესრულება, გარ-და გამონაკლისი შემთხვევისა, როცა ავადმყოფს არ ძალუძს გადაადგილება და ზეთისცხება სახლში ან საავადმყო-ფოში სრულდება. ამასთან, თუ ზეთის კურთხევის საიდუმლო სინანულისა და ზიარების საიდუმლოებებთან ერთად უნდა აღესრულოს, პირველად სინანუ-ლის საიდუმლო შესრულდება, შემდეგ ზეთისცხების და ბოლოს კი ზიარებისა. ამასთან:

ა) თუ არ არის პიროვნების გარდა-ცვალების საშიშროება, არც ზიარების მიღების საჭიროებაა ზეთისცხების შემ-დეგ, თუმცა ზეთისცხების უწინარეს, სასურველია აღსარების მიღება და შემ-დეგ ზეთისცხება;

ბ) თუ სახეზეა პიროვნების გარდა-ცვალების აშკარა საშიშროება, სწეული თავდაპირველად უნდა ეზიაროს და მას შემდეგ ეცხოს ზეთი.

ზეთის კურთხევის საიდუმლო ჩაით-ვლება აღსრულებულად, თუ სწეულის გარდაცვალებამდე მოესწრება (საცხე-ბი) ზეთის კურთხევა და ზეთისცხება ერთხელ მაინც;

7-გზის ზეთისცხება სწეულ ადამიან-ზე შეიძლება განმეორდეს, ოღონდ არა ერთი და იმავე (თუნდაც ხანგრძლივი) ავადმყოფობის მიმდინარეობის პე-რიოდში, რადგან ზეთისცხების შედეგი ღვთის ნების გამოვლენად არის მიჩ-ნეული. ანუ, ავადმყოფმა ღვთის ნება ერთხელ უკვე გამოსცადა და უფალმა თავისი განჩინება ამ ადამიანზე უკვე გამოიტანა, თუმცა საეკლესიო პრაქტი-კა არ კრძალავს ერთი და იმავე ავადმ-ყოფობის პერიოდში ზეთისცხების გამე-ორებას (დკ. ბ.გ.).

ზეთის კურთხევის საიდუმლო-ში:

— რიცხვი 7, სულიწმიდის შვიდ ნიჭ-

ზე მიუთითებს (რომლებიცაა: 1. შიში ღვთისა, 2. ღვთისმსახურება, 3. ძლი-ერება, 4. ზრახვა, 5. მეცნიერება 6. გუ-ლისხმიერება და 7. სიბრძნე). ასევე მოგ-ვაგონებს:

ა) წინასწარმეტყველ ელისეს 7 ლოც-ვას, რომელიც მან ყრმის მკვდრეთით აღდგენისას აღასრულა (IV მფ. 4,35);

ბ) წინასწარმეტყველ ილიას ლოც-ვებს, რომელმაც სამწელიწადნახევარი დახშა ზეცა უწვიმრობით (III მფ. 18,43) და სხვა.

— ზემოთ მადლისმიერი განკურნე-ბის ხილული ნიშანია (მკ. 6.13);

— ხორბალი პიროვნების სულიერი და ხორციელი განახლებული ცხოვრე-ბის სიმბოლო;

— წითელი ღვინო ჯვარცმულის სისხლის სიმბოლოა,

— ხოლო ზემოთისცხების ჩხირები კი ზეთისხილის იმ რტოსი, რომელიც მტრედმა მოუტანა ნოეს წარღვნის დას-რულებიას.

— ზემოთ და ღვინოს ურემის ერემანეთში მსგავსად იმ ქმედებისა, რომელიც მონყალე სამარიტელმა აღას-რულა გვემული კაცის ჭრილობების განსაკურნებლად (ლკ. 10.34).

ყოველი ზეთის კურთხევის საიდუმ-ლოს აღსრულებისას, თავიდან უნდა იკურთხოს ზეთი, ხოლო მორჩილი ზეთი კი გამოიყენონ კანდლებისათ-ვის. შესაძლებელია აგრეთვე ნაკურთხი ზეთი (მოძღვრის კურთხევით), თვით სწეულმა გამოიყენოს რწმენითა და უდიდესი კრძალულებით. რაც შეეხება დარჩენილ ხორბალსა და საცხებ ჩხი-რებს (სანმენდ ბამბის ფთილებთან ან მარლის ნაჭრებთან ერთად), მათ იმ ლუ-მელში წვავენ, სადაც საკმეველი მზად-დება;

აღნიშნული საიდუმლო არ აღეს-რულება:

— ჯანმრთელ ადამიანებზე, გარდა საერთო 7-გზის ზეთისცხებისა;

— უგონო მდგომარეობაში მყოფ სწეულზე (და ისიც იმ შემთხვევაში თუ მღვდელი არ იცნობდა მის რელიგიურ ცხოვრებას. მაგრამ, თუ მღვდლისათვის ცნობილი გახდა, რომ სწეული გონების დაკარგვამდე სურვილს გამოთქვამდა საიდუმლოში მონაწილეობაზე, არ იკრ-ძალება ზეთის ცხება);

— „საეკლესიო სინანულში“ (ანუ, გარკვეული ეპიტემიის ქვეშ) მყოფ პი-რებზე;

— აგზნებულ მდგომარეობაში მყოფ ფსიქიკურად დაავადებულ პირებზე;

— მოუწინაველ, აშკარა მომაკვდი-ნებელ ცოდვაში მყოფ ადამიანებზე;

— ჯანმრთელ მოზარდებზე, რომელ-თაც არ შესრულებიათ 7 წელი;

— გარდაცვლილ ადამიანებზე;

— ასევე, მღვდელს ეკრძალება ამ სა-იდუმლოს თავის თავზე აღსრულებაც.

ზეთისკურთხევის საიდუმლოს ორგ-ვარი ნაყოფი გააჩნია:

ა) სწეულის განკურნება და ბ) ცოდვითი მიტანება (იაკ. 5.14-15).

ამგვარად, აღნიშნული საიდუმლო სინანულის საიდუმლოს იგივეობრივი არ არის, თუმცა არსებობს საგანგებო მითითებები, რომელთა მიხედვითაც 7-გზის ზეთისცხებით სწეულს მიეცევე-ბა:

ა) უნებლიე, გაუცნობიერებლად, ადა-მიანური უძღურებით ჩადენილი იდუმა-ლი (მისი გონებისთვის მიუწვდომელი) ცოდვები;

ბ) ის ცოდვები რომლებიც ავადობის მიზეზი შეიქნა და უმეტრების გამო ჩა-იდინა, რადგან არ ჰქონდა წარმოდგენა მათ შესახებ, და არც მიიჩნევდა ცოდ-ვად;

გ) ჩადენის ხანდაზმულობის გამო მივიწყებული უმნიშვნელო ცოდვები, რომელთაც გულწრფელად მოინანიებ-და რომ გახსენებოდა;

დ) ცოდვები რომელთაც სურვილის მიუხედავად, უმძიმესი ავადობის გამო (მაგ.: წართმეული აქვს მეტყველების უნარი და ა.შ.) ვერ უმხელს მოძღვარს; ან უძღურების გამო არ ძალუძს გამო-ასწოროს კეთილი საქმეებით, მარხვით, ლოცვით, შენდობის თხოვნით, შერიგე-ბით, და ა.შ.

ე) ისეთი ცოდვები, რომლებიც სწეულს აღსარების შემდგომ „უწვია“ აზრებით, შეგარძნებებით, სხეულის მოძ-რაობით, სიტყვებით და ამძიმებენ მის სულს;

ვ) ეშმაკის მანქანებით აღძრული სუ-ლის მწვრთმება ადრე მონანიებუ-ლი განსაკუთრებით მძიმე ცოდვების გამო, რომელთათვის სინდისი ქეჯნის; მცირედ მორწმუნეობით გამონვეული ორჭოფობა (მიეტევა თუ არა ცოდვე-ბი) და მათგან აღძრული მოწყინება, რაც იმედს უკარგავს მას ღვთის მოწყა-ლებაზე;

და ბოლოს შეჯამებულად ვიტყვით. აღნიშნულ საიდუმლოს ადამიანი გა-ბატონებული ცოდვების მონაწილეს გან თავის დაღწევისაკენ მიჰყავს. სულითა და ხორციით დაძაბუნებულ ადამიანს, რომელსაც არ ძალუძს სათანადოდ აღიაროს ცოდვები, ზეთის კურთხევის საიდუმლოს საშუალებით უმსუბუქდე-ბა სინდისი, და გზა ეხსენება ხორციელი სენის მადლისმიერი კურნებისაკენ.

ამდენად, ზემოაღნიშნულ ცოდვათა მიტევა (იხ. ა.ბ.გ.დ.ე და ვ პუნქტები) ზეთის კურთხევის საიდუმლოს მეშვე-ობით, ერთგვარად ავსებს სინანულის საიდუმლოს. ავსებს არა იმ თვალსაზ-რისით, თითქოსდა სინანულის საიდუმ-ლო საკმარისი არ იყოს ცოდვათა მიტე-ვებისათვის, არამედ შეუძლებლობით სწეულის მხრიდან, სრულად ეზიაროს სინანულის საიდუმლოს მადლმოსილე-ბას, ზემოხსენებულ მიზეზთა გამო.

თბილისის წმიდა სამების საკათედრო ტაძრის მღვდელმსახური დეკანოზი გიორგი (გუნია)

“სტალინბრადის ბრძოლა”



„ჭაძილეტი“ – პარადოქსები!..





ხახუმი

სარედაქციო კოლეგია: სვეტლანა ქეცბა, დეკანოზი ბიძინა (გუნია),
ლია სეხნიაშვილი, ალექსანდრე ფარფალია, ირინა ქეცბა
პასუხისმგებელი რედაქტორი ციციანო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, რუსთაველის გამზ. №37, IV სართ. ტელ.: 93-17-20, 895-41-21-70. ტირაჟი: 500 ცალი